

# Rakyat perlu bersatu

UM 20 JUN 2013

**K**UALA LUMPUR 19 Jun — Ahli-ahli korporat dan Pertubuhan-pertubuhan bukan kerajaan (NGO) menyeru rakyat negara ini bersatu bagi membuktikan Malaysia sebuah negara merdeka dan berdaulat sebagai tanda terima kasih kepada Perdana Menteri, Datuk Seri Dr. Mahathir Mohamad.

Mereka juga berpendapat tindakan Perdana Menteri yang banyak menyentuh mengenai sikap bangsa Eropah dalam ucapan dasarnya ketika merasmikan Perhimpunan Agung UMNO hari ini, adalah sebagai peringatan kepada para pemimpin dan rakyat sebelum persaraannya pada Oktober ini.

Ketua Pegawai Eksekutif Menara Kuala Lumpur (Menara KL), Zulkifli Mohamad berkata ucapan Dr. Mahathir pada perhimpunan kali ini sebagai satu ucapan yang cukup ikhlas bagi memberikan kesedaran kepada semua pihak termasuk warga korporat.

“Ingatan besar kepada warga korporat ialah meneruskan pembangunan yang dapat menjadi simbol kepada kemajuan agama, bangsa dan negara,” katanya.

Menurut Zulkifli, selaku peneraju Menara KL, beliau berasa tersentak apabila menara tersebut disebut di dalam ucapan terakhir Presiden UMNO itu.

Pengerusi Eksekutif Express RailLink Sdn. Bhd. (ERL)

Datuk Mohamed Nadzmi Salleh pula berkata, lebih banyak usaha perlu dilakukan sebelum rakyat Malaysia dapat memasuki golongan kaya dan maju.

Katanya, Malaysia masih belum mencapai status negara maju walaupun terdapat banyak perkembangan dan kemajuan dalam bidang ekonominya.

“Dengan perkapita sebanyak AS\$4,000 (RM15,200), kita masih jauh ketinggalan. Jangan lupa, perjuangan masih belum selesai,” katanya ketika ditanya mengenai sikap rakyat Malaysia membuat tuntutan lebih berbanding negara-negara maju yang turut dibangkitkan oleh Dr. Mahathir dalam ucapannya hari ini.

Timbalan Presiden Dewan Perniagaan Melayu Malaysia

## tanda terima kasih

(DPMM), Datuk Sved Amin Al-Jeffri berkata, kebingungan penajahan yang disuarakan oleh Dr. Mahathir perlu dipandang serius dan usaha perlu dilakukan segera bagi menafikan segala kebingungan tersebut.

“Kalau kita dapat buktikan Malaysia sudah betul-betul merdeka sama ada dari segi fizikal, pemikiran, budaya dan pergaulan maka ia akan jadi cara terbaik untuk berterima kasih kepada Perdana Menteri,” katanya kepada Utusan Malaysia di sini hari ini.

Beliau berkata demikian sebagai mengulas ucapan Dr. Mahathir pada Perhimpunan Agung UMNO Ke-54 di Pusat Dagangan Dunia Putra (PWTC) di sini hari ini.

Presiden Kongres Kesatuan Sekerja Malaysia (MTUC),

Senator Zainal Rampak pula berkata, selain kekuatan ekonomi, perpaduan antara kaum juga diperlukan sebagai benteng yang mempertahankan kedaulatan negara.

“Perpaduan yang longgar sekiranya dibiarkan akan menjadi ‘pintu masuk’ oleh bangsa Eropah menjajah semula dan besar kemungkinan mereka akan menjadikan kita bertelagah bagi mencapai tujuan itu. Itulah barangkali pesanan yang disampaikan oleh Perdana Menteri kita,” ujarnya.

Bagi Setiausaha Agung

Kongres Kesatuan Pekerja-Pekerja Di Dalam Perkhidmatan Awam (Cuepacs), Datuk Rahman Manan, rakyat negara ini termasuk orang Melayu masih leka dengan soal perpaduan yang memungkinkan penajahan semula berlaku.

“Kita mesti membina ketahanan jitu bagi menghadapi cabaran penajahan dan menjadikan Iraq sebagai teladan,” ujarnya.

Presiden Gabungan Persatuan Pengguna Malaysia (FOMCA), Prof. Datuk Hamdan Adnan pula berkata, perpaduan orang Melayu dengan kaum lain masih rapuh dan sekiranya dibiarkan akan memudahkan penajahan semula berlaku.

Menurut beliau, kerajaan perlu menggunakan sepenuhnya kuasa yang dimiliki seperti Akta Hasutan bagi menangani sesetengah pihak yang tidak bertanggungjawab itu.